

Tacheles: Verstoppten EU Internet-Filter

De gréissten Internet-Filter, deen et jee an Europa gouf, gëtt grad opgebaut



vun Chaos Computer Club Lëtzebuerg den 19/02/2018



D'Europa Politiker schaffen um Gréissten Internet-Filter, dee mir jeemools gesinn hunn. Dat kléngt elo vläicht e bëssen dramatesch, ass awer leider keng Iwwerdreiwung. Falls dësen Virschlag ugeholl gëtt, mussen Firmen wéi Soundcloud, eBay, Facebook an Flickr, alles filteren, wat s du eroplueden wëlls. Een Algorithmus entscheet dann, wat s du dem Rescht vun der Welt däerfs weisen a wat net.

Firwat hunn ech dovunner bis elo nach näischt héieren?

De Virschlag fir dësen Internet-Filter ass verstoppt am Artikel 13 vun engem aneren Virschlag fir déi nei Europäesch Urheberrechtsveruednung. Mä et braucht net vill Fantasie fir sech virzustellen, firwat Internet-Filter soss nach kënnen benotzt ginn. Mir wetten, datt Politiker wëll drop gammsen fir Internet-Filter ze benotzen, domat se hier eege politesch Agenda duerchboxen kënnen. Zum Beispill: Onerwünschten politesch Meenungen verschwannen doen.

Haaptproblem

Et gëtt eng helle Wull u Grënn, keen Internet-Filter ze wëllen. Hei si mol déi dräi wichtegst.

1. Et ass een Ugrëff op däin Recht op eng fräi Meenungsäusserung. Du entscheets net méi selwer, wat s du deelen kanns.
2. Automatesch Filter wéi dësen, tendéieren dozou vill Feeler ze maachen an et wäert deng Aufgab ginn, géint dës Feeler fir ze goen.
3. Dëse Virschlag verleet grouss Plattformen dozou, Risiken ze vermeiden. An zwar op Käschten vun denger Fräiheet. Ergo Zensur.

Wat kanns du maachen?

Déi kommend Wochen sinn entscheidend! Tweet oder schreif eng E-Mail un deng EU Deputéiert am JURI-Comité. De 26. a 27. Mäerz, entscheet eis Europa-Deputéiert mat iwwert den Internet-Filter. Notz d'Hashtags #CensorshipMaschine an #filterfail fir ze weisen, datt s du géint den Internet-Filter am Artikel 13 bass.

Lëtzebuergesch Europa-Deputéiert am JURI-Comité ass:

- Mady DELVAUX, [@mady_delvaux](#) (LSAP / S&D).

Mir hunn well e puer Tweets virbereet (Dat soll iech net dovunner ofhalen, selwer kreativ ze ginn):

.@mady_delvaux Stitt op fir eis Meenungsfräiheet online. Schwätzt iech géint #censorshipmachine am Virschlag vun der #copyright Richtlinn aus!

.@mady_delvaux Stitt fir eis Online-Privatsphär. Schwätzt iech géint #censorshipmachine am Virschlag vun der #copyright Richtlinn aus!

.@mady_delvaux Weist, datt iech Privatsphär a Meenungsfräiheet fir d'Bierger wichteg ass. Schwätzt iech géint den Virschlag vun der

#censorshipmachine an der #copyright Richtlinn aus!

.@mady_delvaux Internet-Filter funktionéieren net. Schwätzt iech géint den Virschlag vun der #censorshipmachine an der #copyright Richtlinn aus!

Politiker wëllen ongeeegent Filteren etabléiere fir den Internet kënnen ze kontrolléieren:

Deng Ënnerstëtzung ass gefuerdert!

Am Tacheles gi mer Persounen d'Méiglechkeet, sech zu engem Thema fräi ze äusseren. Dobäi gräift d'Redaktioun net inhaltlech an. D'Auteure sinn eleng fir hier Positioune responsabel.

ÄHNLECH SUJETEN [EU](#), [Internet](#)

Chaos Computer Club Lëtzebuerg

De Chaos Computer Club Lëtzebuerg gëtt et säit 2008. E setzt sech fir den Dadeschutz a fir eng transparent Regierung an.